

‘E fēfē ha‘o hoko ko ha tokotaha ke tauhi ‘e he Pacific Homecare?

- **FAKAHANGATONU MAI PĒ (DIRECT):** kapau ‘okú ke fiema‘u ha tokoni meí he Pacific Homecare, ‘e lava ‘e koe pe ko ha taha ‘i ho fāmilí, pe ko hao maheni, ‘o fetu‘utaki ki ho‘o toketaá (pe ko e falemahakí) ‘o fakahā ange ‘okú ke fiema‘u ha tokoni ke ke kei nofo pē ‘i ho ‘apí. Te nau fetu‘utaki leva ki ha kautaha Needs Assessment and Service Coordination (NASC pe kautaha ki hono Fakafuofua‘i ‘o e Fiema‘ú mo hono Fokotu‘utu‘u ha Sēvesi Tokoní) ke nau ‘a‘ahi atu kiate koe ‘i ho ‘apí ‘o vakai‘i ho‘o ngaahi fiema‘ú.
- **FAKAFEHOKOTAKI MAI (REFERRAL):** ko hono fakafehokotakí mai pē, ‘e a‘u atu leva ha tokotaha Fokotu‘utu‘u Ngāue (Coordinator) ‘a e Pacific Homecare ki he tokotaha ke tauhi mo hono fāmilí ke nau fakataha ‘i honau ‘apí, ‘o vakai‘i ‘a e ngaahi fiema‘ú ‘o ngāue‘aki ‘a e ngaahi founa fakafuofua ‘a e NASC.
- **FOKOTU‘U ‘O HA TAHA NGĀUE (PLACEMENT):** hili hono vakai‘i ‘o e ngaahi fiema‘ú, ‘e fai leva homau lelei taha ‘e ala lavá ke ‘oatu ha tokotaha ngāue mei hono matakali mo e ‘ulungaanga tukufakaholo pē ‘o ‘oná mo ne ma‘u ‘a e ngaahi taukei ke tuha mo e ngaahi fiema‘u ‘a e tokotaha ke tauhi.
- **TOE VAKAI‘I (REVIEWS):** ‘e fakahoko hano toe vakai‘i ‘o eni ‘o ‘ikai toe si‘i hifo ‘i he māhina ‘e tolu kotoa pē, ke fakapapau ‘i ‘oku kei fiemālie pē ‘a e tokotaha ‘oku tauhi pea mo fakapapau ‘i ‘oku kei muimui pē ‘a e ngaahi fakahoko fatongiá ki he ngaahi tu‘unga ‘oku fiema‘u ke ‘i aí.



Pacific Homecare


Ph: 09 274 9153 0800 744278
Level 1, 230 Great South Road, Papatoetoe
PO Box 23-071, Papatoetoe, Auckland 2155
Em: info@pacifichomecare.org.nz
www.pacifichomecare.org.nz

Ko e Pacific Homecare ko ha Kautaha Faifatongia Tauhi Mo‘ui Lelei ‘i ‘Api ia ‘oku fepikitaki pea toe fakapa‘anga ‘e he Manukau District Health Board (CMDHB pe Poate Mo‘ui Fakavāhenga ‘a Manukau), Ministry of Health (MOH pe Potungāue Mo‘ui) pea mo e Accident Compensation Corporation (ACC pe Kautaha Totongi Huhu ‘i ki he Ngaahi Fakatu‘utāmaki).



Pacific Homecare

‘OFA + TOKANGA
+ TŌ‘ONGA NGĀUE FAKAPOLOFESINALE



Ko hono feau 'o e ngaahi fiema'u 'a e kakai ke tauhi (clients) 'aki 'a e 'Ofá, Tokangá mo e Tā'onga Ngōue Fakapolofesinalé

Ko e Pacific Homecare ko ha kautaha Talāsiti ngāue'ofa ia 'okú ne fakaai ha sēvesi tauhi ki he mo'ui lelei 'i he feitu'u faka-Tonga 'o 'Aokalaní (South Auckland) ma'á e kakai 'oku 'i ai ha nau faingata'a'ia pea mo e kakai toulekeleka 'i he ngaahi komiuniti Pasifiki.

Na'e kamakamata mai 'i ha tu'unga faka'ofa mo'oni 'i he 1988 ko ha kau fa'ē Lalotonga 'e toko tolu na'a nau feinga pa'anga p ē 'aki ha'a nau fakatau atu 'enau tuitui tivaivai (kafu monomono faka-Lalotonga) 'o makatu'unga 'i he ngaahi fiema'u fakaetauhi 'a e kakai toulekeleka Pasifiki 'i 'Otalá. 'I he ngaahi 'aho ní kuo tupu 'a e PHC ko ha kautaha 'okú ne fakangāue 'i ha toko 265 'oku nau tokoni ki he kau toulekeleka mo e kau faingata'a'ia 'oku nau kei nofo pē 'i honau ngaahi 'apí.

Ko e uho 'o e kautahá ni ko e vTisone ki ha "komiuniti toe mo'ui lelei ange 'o fakafou 'i he 'ofá, tokangá mo e tō'onga ngāue fakapolofesinalé".



Ngaahi sēvesi 'oku mau 'oatú

- **TAUHI FAKAFO'ITUITUI** 'oku kau ki ai 'a e tokoni ki he kaukau saoá/topu kaukau, feime'atokoni mo e fafangá.
- **LEVA'I 'O E NOFO 'API** 'o kau ki ai 'a e tokoni ki he fakamaau mo e fakama'a 'apí.
- **POUPOU KI HE ME'A FAKASŌSIALÉ** 'o kau ki ai 'a e fefononga'akí mo ha ngaahi me'angāue tokoni ki he akó.
- **POLOKALAMA TAUHI KAKATO TAIMI LŌLOA** ma'á e kakai 'oku 'i ai ha nau faingata'a'ia lahi pe lavea lahi.

Koe'uhí ko ha Kautaha Faifatongia Tauhi Mo'ui Lelei 'i 'Api kimautolu kuo 'osi lēsisita, 'oku mau faka'ai'ai 'a e founa tauhi ki he mo'ui lelei kakató 'o fakatatau ki he ngaahi uho'i tui 'e tolu 'o e Talite 'o Waitangí 'a ia ko e malu'í, fengāue'aki fetakinimá mo e kau fakatahá.

'Oku fēfē 'a e makehe 'a e Pacific Homecare?

- 'Oku pukepuke 'a e ngaahi ngāue mo e ngaahi fokotu'utu'u ngāue kotoa pē 'a e Pacific Homecare 'e he tui ki he NGĀ UE KE HOA MO E NGAAHI 'ULUNGĀANGA TUKUFAKAHOLÓ PEA MO E NGĀUE KE MATATALI VAVE 'A E NGAAHI FIEMA'Ú. 'I he taimi 'oku ala lavá, 'oku fakatauhia atu 'a Kinautolu ke Tauhi (Clients) ki ha Kau Ngāue Tokoni (Support Workers) te nau lava 'o fakaai 'enau ngaahi fiema'u ki he 'enau ngaahi 'ulungaanga tukufakaholó, 'enau leá, ngaahi fiema'u fakame'atokoni mo 'enau tui fakalotú, pehē foki ki he ngaahi tefito'i taukei mo e ngaahi 'ausia 'e tokoni ke feau honau tauhi.
- **MO'UI LELEI KAKATÓ** - 'oku mau faka'ai'ai ha founa tauhi ki he mo'ui lelei kakató 'a ia 'oku 'uuni ai 'a e mo'ui lelei 'o e sinó, 'atamaí, 'ulungaanga tukufakaholó, sōsialé pea mo e laumālié.
- **AKÓ MO E FAKALAKALAKÁ** - 'oku 'i ai 'a e fakamamafa ki hono ako'i mo fakataukei'i 'a e kau ngāue ke fakapapau'i 'oku hokohoko atu ai pē 'e mau fakalelei'i mo feliuliuaki 'e mau sēvesi ke tuha mo e ngaahi feliuliuaki 'i he ngaahi fiema'u 'a kinautolu ke tauhi pehē foki ki he ngaahi feliuliuaki 'i he sekitoa ki he mo'ui lelei.

